

呼倫貝爾概要

上

東北文化社叢刊之一

呼倫貝爾概要

上冊

鄒尚友朱枕薪合編

呼倫貝爾概要目次

第一章 呼倫貝爾之地理

(一) 位置與面積

(二) 山脈與河流

(三) 氣候

(四) 民族

(五) 人口

(六) 城市

(七) 交通

(八) 古蹟

四至二頁



第二章 呼倫貝爾政治史

二九至五六頁

(一) 清以前之呼倫貝爾

(二) 清之經營與俄之侵略

(三) 第一次獨立與自治經過

(四) 收復呼倫貝爾始末

(五) 呼倫貝爾青年黨之出現

(六) 第二次獨立運動之失敗

(七) 蘇維埃政府之曇花一現

(八) 中俄糾紛期內之赤色恐怖

(九) 最近呼倫貝爾之政治組織

(十) 最近呼倫貝爾之蒙旗

第三章 呼倫貝爾之經濟的價值

五七至七六頁

(一) 農業

(二) 畜牧

(三) 林業

(四) 狩獵

(五) 漁業

(六) 礦業

(七) 工業

(八) 商業

(九) 幣制

第四章 呼倫貝爾社會狀況

七七至八頁

(一) 衣食住行

(二) 婚嫁喪葬祭祀

(三) 宗教

(四) 神話與迷信

(五) 教育

第五章 呼倫貝爾之前途

八九至九六頁

(一) 呼倫貝爾問題之意義

(二) 呼倫貝爾與中國之關係

(三) 蘇維埃化之不可能

(四) 呼倫貝爾之前途

附錄

(一) 呼倫貝爾全境疆域方里表

(二) 呼倫貝爾境內中俄陸路國界鄂博表

(三) 呼倫貝爾沿邊國界卡倫沿革表

(四) 呼倫貝爾紀事 (宋小濂詩)

(五) 呼倫貝爾懷古 (張家璠詩)

(六) 呼倫貝爾獨立運動之內幕 (譯密勒氏評論報)

附圖一 呼倫貝爾地圖

(原缺)

附圖二

呼倫貝爾天然富源圖

(原缺)

第一章 呼倫貝爾之地理

(一) 位置與面積

山陰朱慶瀾撰『呼倫貝爾志略序』云。呼倫貝爾在黑龍江省之西北。縱二千餘里。橫及少半焉。大興安嶺峙其左。額爾古納河環其右。東省鐵路貫穿之。民族强悍。物產殷阜。誠天府之雄圖也。(註一)

考呼倫貝爾一隅。為吾國國防邊疆重地。位於黑龍江省之西北部。東據大興安嶺之山脈頂。西南界喀爾^喀部車臣汗。西北襟額爾古納河。與後貝加爾接壤。北臨黑龍江本流。南連索岳爾濟山。在北緯四十七度至五十四度。及東經

一百十五度至一百二十二度之間。據東省鐵路經濟調查局之調查。(註二)其總面積計共十五萬五千五百九十九平方公里。合十三萬六千四百九十一平方俄里。但一云東西廣八百餘里。南北斜袤一千四百餘里。(註三)又一云面積為六十四萬七千餘方里。(註四)『呼倫貝爾志略』。則載全境面積為一二七八七五〇方里。東西寬一〇六〇方里。南北長一二〇〇方里。(註五)又載各縣面積道里如下。

呼倫縣

面積

二五〇〇〇〇方里

東西寬

三七五里

南北長

八一二里

臚濱縣

面積

三九九七五〇方里

東西寬

六五〇里

南北長

六一五里

室韋縣

面積

九九〇〇〇方里

東西寬

三三〇里

南北長

三〇〇里

奇乾縣

面積

五三〇〇〇〇方里

東西寬

五三〇里

南北長

一〇〇里

中東鐵路經濟調查局所調查之呼倫貝爾各縣面積。如下表。

縣別	面積(以平方公里計)	占全面積之百分率
奇乾	二七,六八二,三	一七八
室韋	一四,八二二,五	九,六
呼倫	五五,六六六,六	三五,七
牼濱	五七,四二八,七	三六,九

共計

一五五、五九九、七

一〇〇〇

前呼倫貝爾蒙旗學校校長郭摩西道甫云。呼倫貝爾南北長約一千五百餘里。東西寬約七八百餘里。他的形勢是好像一個躺着的老虎。呼倫湖是他的眼睛。貝爾湖是他的舌頭。額爾古訥河是他的脊梁。奇乾金廠是他的尾巴。興安嶺就是他一伸三收的四條腿。還有最南隅的阿爾山溫泉。好像由老虎嘴裡吐出來的聖靈水珠似的。(註六)

關於呼倫貝爾之面積統計。衆說紛紜。莫衷一是。蓋有由焉。誠以呼倫貝爾當軸。認其西南邊界沿喀爾喀河。而喀爾喀則認呼倫貝爾境內喀爾喀河附近之八公里地帶。屬

喀爾喀轄地。雙方執持。久久不決。其貝爾湖西北部疆界。亦迄未劃分清楚。事實上尤多爭執。此所以面積統計之不易劃一也。

上海英文『密勒氏評論報』。言呼倫貝爾面積廣約七萬六千平方英里。較之美國伊里諾斯州。尚大逾三分之一。(註七)按七萬六千平方英里。約合二十二萬三千平方公里。以上數說。未知孰是。姑並誌之。

(三) 山脈與河流

呼倫貝爾地勢成狹長形。多峻嶺大川洪澤疊嶂。左濼右帶。尤為地理上之大觀。『呼倫貝爾志略』言大興安嶺縱

其東南。額爾古訥河環繞於西北。表裡山河。天然形勝。
『盛京通志』謂其北控俄羅斯。南撫喀爾喀。山河險固。
並重龍江。境內山巒盤結。以大興安嶺為正幹。尋其脈絡。
。自索岳爾濟山起項。向東北行。重巖疊嶂。起伏蜿蜒。
亘六百餘里。至凱河發源處。土人始名曰興安嶺。其間高
處曰伊克古克達。東清鐵路由此通過焉。迤北支脈有吉勒
奇老山。海拉爾河源所由出也。又北為雅克嶺。過雅克嶺
一百三十餘里。峯巒陡起。羣山排列。曰伊勒呼里山。為
興安嶺之最高峯。根河牛爾河出焉。橫出一幹，東行入龍
江黑河兩道界。此一大山脈。乃流入嫩江與額爾古訥河兩

水之分水嶺也。正幹西北行三百五十餘里。曰雉雞場山。珠爾干河烏瑪河伊穆河出焉。由此東北行。達額爾古訥河口與黑龍江匯流處。為渾特山。亦曰渾拍山。自索岳爾濟山至渾特山。長約二千六百餘里。統曰大興安嶺。嶺之西。羣山奔赴。皆興安嶺之支脈。嶺峯之頂。尖銳秀拔。高處由五千尺至六千尺。『呼倫貝爾』稱其最高點。達九百五十五公尺。平均之高度。為六百四十公尺云。（註八）

水之著者。南有喀爾喀河。西南有克魯倫河。喀爾喀河一作哈勒哈河。由大興安嶺南部之穆克圖山發源。蜿蜒於呼倫貝爾沿邊之南部草原一帶。至入貝爾湖為止。長計三

百二十至三百七十七公里。克魯倫河長約一千公里。兩岸曲折。水不甚深。其他曰海拉爾河。呼倫城在其南岸。其注入額爾古訥河處。則中俄國界所由分也。曰根河。距河三十餘里為官渡口。華俄商旅必由之道也。曰吉拉林河。一作哈喇爾河。亦作和倫河。我金廠所在地。曰額爾古訥河。按額爾古訥云云。蒙語以手遞物之謂也。人曲腰以手遞物。每成一六十五度之三角形。海拉爾河西北流至阿巴該圖山。忽折向東北流。其折灣處亦成一六十五度之三角形。即如人以手遞物之勢。蒙人取其義。故更名曰額爾古訥。是額爾古訥河之起點。即海拉爾河之終點。大勢東北流

自阿巴該圖山西起。至與黑龍江匯流處止。長一千五百餘里。

此外有貝爾湖及呼倫湖。貝爾湖形如瓜瓠。面積占六百至七百平方公里。湖水透明。清可澈底。呼倫湖一名達賚湖。達賚即海泊之意。為諸河瀦水之區。近人疑係前大地中海之遺跡。長約二百餘里。東西廣百餘里。周可五六百里。總面積共一千一百餘平方公里。據調查該湖係容受湖。非交與湖。湖水深不可測。蒙人不習舟楫。向無採其深淺者。冬日嚴寒。中間不凍。酷暑日蒸。水色變綠。人不敢飲。風起則潮浪鼓蕩。水溢數丈。『黑龍江外紀』載呼

倫湖產五色鹽。不煮可食。

(三) 氣候

呼倫貝爾既與戈壁沙漠為隣。復有崇高之興安嶺橫貫其間。山嶺重疊。河水縈繞。林木蒸蔚。沼澤星布。因此氣候之轉換與他地不同。宋小濂『曉渡根河』詩。有昨日尚暖今朝寒。邊庭氣候竟如此句。蓋紀實也。

『黑龍江外紀』謂呼倫貝爾氣候極寒。近人朱慶瀾亦謂呼倫貝爾氣候高寒。昔人有上天邊子之語。足見其地勢之高矣。地勢高者必寒。故呼倫貝爾每年之平均溫度。在零點以下。四時之氣多風。春秋震漠驚砂。飛揚尤甚。夏曆

三月杪始解凍。興安嶺陰有經年不釋之冰。四月不時雪霰。入夏偶曠。當午極炎。早暮仍涼如深秋。六月掘地五尺猶凍。七月已霜。草木黃落。八月降雪結冰。十月河道暢行冰撬。冬則嚴風砭骨。出門噓氣成霜。茲將其氣壓。風向。溫度與雨量。分別說明如下。

氣壓

呼倫貝爾各地之平均氣壓數量。在民國十三年。

滿洲里為七〇三·三。海拉爾為七〇六·四。免渡河

為六九八·五。在民國十四年。滿洲里為七〇三·四

。海拉爾為七〇七·〇。免渡河為六九九·一。又民

國十四年之氣壓。在滿洲里。最高為七〇九·二。最

低為六九七·二。相差計一二·〇。在海拉爾。最高為七一三·一。最低為七〇〇·六。相差計一二·五。在免渡河。最高為七〇四·五。最低為六九三·五。相差計一一·〇。(註九)

風向

與氣壓相關最密者。厥為風向。呼倫貝爾之風。

其來也有定時。其轉變亦比較有一定之季候。其最普通之風。為西風。西北風。西南風及東風。一年之中。除夏季之六七八三月多為東風。東北風及南風而外。其餘之時日常為西風。春秋兩季最多西北風。西風及西南風。茲錄滿洲里。海拉爾。及免渡河三處之平

均風向速度表(註十)如下。

				民國十三年	民國十四年
				早	午
				晚	早
				午	晚
滿洲里	二五	四〇	一七	六三	四三
海拉爾	一七	三五	一七	一六	三二
免渡河	一二	三五	一四	一五	三五
				一三	一四

溫度

呼倫貝爾每年之平均溫度。在零點以下。試觀左

列兩表。(註十二)

一——溫度表

		民國十三年	民國十四年
平均	最高		
溫度	最低		
最低	最高		
最高	最低		
最低	最高		

664825



二——結冰期表

	民國十三年		民國十四年	
	結冰日期	解凍日期	結冰日期	解凍日期
滿洲里	九月十二日	五月八日	九月十一日	五月十七日
海拉爾	九月十二日	五月五日	九月十五日	六月十三日
克渡河	九月九日	五月廿七日	九月七日	六月十四日
滿洲里	177	398	101	376
海拉爾	128	369	109	353
克渡河	134	328	116	308

雨量

呼倫貝爾每年之雨量。以夏日為最多。冬日為最

少。自冬入夏之時。每逐漸加多。迨自秋徂冬。則日

益減少。茲錄其雨量表及雪期表（註十三）如下

一——雨量表

民國十三年 民國十四年

滿洲里 二一三五 二八七一

海拉爾 三〇〇七 二八四九

免渡河 三六四七 二三〇四

二——雪期表

民國十三年 民國十四年

降雪日期 止雪日期 降雪日期 止雪日期

滿洲里 九月七日 四月廿四日 十月三日 四月二日

海拉爾 十月二日 五月七日 十月三日 四月三日

免渡河十月三日

五月七日

十月三日

五月十日

(四) 民族

呼倫貝爾為漢蒙雜居之區。近俄人來者亦衆。漢人雖有省籍之分。而無族系之異。而蒙旗當清初雍正間遷駐之初。方域不一。部族各殊。類多從事遊牧生活。逐水草而居。但亦有以獵為業者。

所有呼倫貝爾之蒙古遊牧民族。可分為兩類。一為通古斯族。一為蒙古族。屬於通古斯族者。為索倫及通古斯。遷自後貝加爾。屬於蒙古族者。為察普臣（舊布萊雅）。新蒙古布萊雅。額魯特。達呼爾及後貝加爾布萊雅數種。

蒙古人之移殖。始於十八世紀之初。雍正十年。清廷始下諭旨。將齊齊哈爾境內之索倫。額魯特。察普臣及達呼爾。分別移往呼倫貝爾。逾三年。由喀爾喀遷往遊牧者。復有蒙古及布萊雅特人。

索倫 遼裔。漢稱通古斯。俄語喀穆尼。皆索倫也。一名索莪羅。譯漢義即由上來臨之意。為內興安嶺東北蒙古之巨族。康熙三十年（一六九一年）編入旗籍。名曰索倫名隊。驍勇善戰。雍正十年（一七三二年）由布特哈遷駐呼倫貝爾。兵數為一千六百三十六名。附以達爾虎陳巴爾虎。共編八旗。

現在索倫族之遊牧地點。在中東鐵路線迤北者。有由額爾古訥河起至興安嶺山嶺地帶之草原。及根河流域一帶。在中東鐵路線迤南者。有洪果勒河附近之區域。

達呼爾

方式濟一龍沙紀略一。謂達呼爾是元代軍民府

之遺。亦曰愛門人。俗誤打狐狸。或作打虎力。又稱

達呼里。按達呼爾本契丹種。遼亡。徙黑龍江北境。

初為打牲部落。繼在東布特哈迤北遊牧。及興安嶺山

脚一帶。就水草而居。康熙二十八年（一六八九年）

編入八旗。雍正十年。由布特哈遷駐呼倫貝爾。兵數

為七百三十名。

陳巴爾虎 外蒙喀爾喀之屬部。以戍邊闡入俄境。清康熙時征俄。遂自俄境來歸。編入八旗。此族人昔在木蘭圍場遊牧。後遷至興安嶺北迤東一帶。雍正十年。由布特哈遷至呼倫貝爾。兵數為二百七十五名。冬日沿海拉爾河上游。夏則沿海拉爾下游逐水草而居。

新巴爾虎 外蒙之喀爾喀部也。昔在外興安嶺北麓遊牧，清嘉慶間漸向南徙。遂成部落。因其言語與陳巴爾虎相通。故名巴爾虎。新編入旗。故曰新巴爾虎。遷駐呼倫貝爾者。在雍正十二年。由外蒙車臣汗移去。

兵數為二千四百八十四名。編為八旗。在伊敏河兩岸遊牧。

額魯特

一作鄂勒特。亦云厄魯特。其先世為元牧奴。

明清間強盛。號稱四部。居黑龍江者。為額魯特之準噶部人。乾隆十二年。準噶爾台吉巴桑投誠。附打牲部落之後。遷駐呼倫貝爾者。係於雍正十年。由阿爾泰移去。編為一旗。牧地在喀爾喀河迤東寬翁河一帶。

鄂倫春

為索倫之別部。與索倫同一來源。元時稱為林木中百姓。清初謂為樹中人。俗呼之為麒麟。散處深

山。居無室廬。遷徙靡定。以打牲為業。衣皮食肉。有步及猛獸之能。俗多養糜鹿。並以鹿代馬。出入於興安嶺山脈一帶之山林。後以流行瘟疫。鹿類傷亡殆盡。乃改用馬匹。於是騎馬使槍。習成特技。

現在興安嶺附近鄂倫春盤踞之地。為甘河上游。及其支流依肯。維圖爾。圖拉各河。並海拉爾上游。及其支流大摩那里小摩那里二河。

布萊雅 有新布萊雅與舊布萊雅之分。舊布萊雅即察普臣。遷自喀爾喀。初彼等越過興安嶺。居於嫩江境內。編入滿洲旗籍。雍正十年。始與索倫及達呼爾同移。

呼倫貝爾。現在奄有呼倫貝爾西北部之草原。為各遊牧民族中最有資產者。

新布萊雅人與舊布萊雅人相同。亦遷自喀爾喀部。但其遷移年限。後於舊布萊雅三年。其遊牧地點。在呼倫貝爾西南部。達賚湖附近一帶。烏爾順河流域。及貝爾湖左右。

扎薩克圖 哈薩克之分支也。在呼倫湖西南一帶。有打牲者。有遊牧者。扎薩克圖一作雅庫特。居興安嶺之北。

後貝加爾布萊雅及通古斯

俄國十月革命後。內亂波及

西比利亞。一九一九及一九二〇年時。後貝加爾布萊雅及通古斯。遂自俄境陸續遷至呼倫貝爾。一部遊牧於甘河附近及墨爾根河沿岸。一部遊牧於海拉爾迤南之程河及溫特肯河左近。自成部落。其生活狀況。保持純粹之俄國風。與當地蒙古部落迥不相侔。言語習慣。一仍其舊。

(五) 人口

呼倫貝爾舊為民兵制。清雍正時所遷蒙旗兵數。祇有六七千人。當時所需茶布米物。須越興安嶺之險。至齊齊哈爾交易。各旗總管以來往困難。相度地勢。闕海拉爾為市

場。招山西行商貿易。以後直魯兩省暨黑龍江省人。亦多至呼倫貝爾經商。中東鐵路築成後。交通大便。俄人來者尤衆。茲以中東鐵路經濟調查局一九二七年所編之人口表錄下。(註十三)

遊牧民族

蒙古族

二七，六六二人

後貝加爾布萊雅及通古斯族

三，一一〇人

共計

三〇，七七二人

土著民族

漢人

一七，一七七人

俄人

二二，六五八

其他

二六九人

共計

四〇，一〇四人

行獵民族

鄂倫春

八九五人

雅庫特

二五〇人

共計

一，一四五人

呼倫貝爾人口總數

七二，〇二一人

中東鐵路經濟調查局同時（一九二七年）調查中東鐵路沿線及各河流附近之人口。言在鐵路區域以內。人數約近

四萬。其中俄國僑民最多。佔全數百分之五十四。次為漢人。比例數為百分之四十五。蒙古人約佔百分之一。試觀左列兩表。

——中東鐵路沿線人口表（註十四）

站	別	俄	人	漢	人	蒙	人	共	計	附	註
滿洲里		八九九七		二九三九				一一九七七		日本人	四一
扎蘭諾爾		二三一七		一三二一				三六六六		日本人	二八
察罕		二二八		七七				三〇五			
霍爾歡台		八二		三九				一二一			
完		七二		三七				一〇九			

興安	依列克台	霍爾果	烏努爾	免渡河	雅克什	扎羅木台	哈克	海拉爾	烏固訥爾
二七六	二八一	三三	七六	四八三	六一一	二〇〇	一四〇	四二一八	二五
一三八	六七	五八	六九	一八〇	七〇	一一五	四二	九八二六	三三
								二〇〇	
四一四	三四八	九一	一四五	六六三	六八一	三一五	一八二	一四二四四	五八
								舊城中人口二併計 算在內	

總數 一八〇三九 一五〇一一 二〇〇 三三三一九

二——各河流附近之人口表 (註十五)

河流名稱	俄人		漢人		布萊雅及通古斯人		共計	
	戶數	人口	戶數	人口	戶數	人口		
額爾古訥河	二〇一	一〇二九	四三一	一九七六	六一四	三〇〇五		
甘河	二〇二	一三〇	一八	八五	二二〇	一、二一五		
得爾布爾河	一五一	八六五	二七	一一五	一七八	九八〇		
霍倫河	二二	一三五			二二	一三五		
墨爾根河	一八三	一、二一〇			二九八	一、八二〇		
程河	四〇	二五〇			三〇〇	二、七五〇		
共計	七九九	四、六一九	四五八	二、一七六	四一五	三、一、一〇	一、六七二	九、九〇五

又據民國十一年（一九二二年）督辦呼倫貝爾善後事宜公署所調查之戶口表。呼倫貝爾全境共有一萬二千五百五十二戶。男女七萬零六百六十八人。其中蒙人二萬七千六百六十二人。漢人一萬五千六百六十八人。外僑二萬七千五百三十八人。詳如下。

一——漢族戶口表

	戶數	男	丁	女	口	人口總數
呼倫	九五	四一五四	六五六	四八一〇		
臚濱	二四一三	七九八六	七四九	八七三五		
室韋	二八二	六七三	一三四	八〇七		

奇	乾	二九一	九六六	一五〇	一一一六
統	計	二九三七	一三七七九	一六八九	一五四六八

二——蒙旗戶口表

族別	旗別	戶數	男	女	人口總數
索	正紅旗	一六四	二八一	二三五	五一六
	正黃旗	三三八	七九三	五九五	一三三八
	正白旗	九五	二八三	二二四	五〇七
	廂紅旗	三七	八三	六八	一五一
	廂黃旗	七四	二一四	一九六	四一〇
倫	廂藍旗	四六	九二	九五	一八七

爾虎	陳巴	虎		爾			巴		新
廂白旗	正藍旗	廂白旗	廂藍旗	廂黃旗	廂紅旗	正白旗	正藍旗	正黃旗	正紅旗
二八八	四二五	二二〇	三五〇	三一二	二一八	三五〇	三三二	三六九	一六七
一四一二	一七六九	九八九	九五五	八三八	四七八	一七三七	一二七一	九五九	四〇九
一三六四	一六七〇	一二一四	一一七九	一一五五	六二九	二二七一	一二八七	一一七八	五三四
二七七六	三四三九	二二〇三	二一三四	一九九三	一一〇七	四〇〇八	二五五八	二一三七	九四三

三——外僑戶口表

意大利	土耳其	法國	英國	日本	國籍戶數	人口數	統計	額魯特廂黃旗	額倫春廂藍旗
一	二	一	四	二〇			一八旗	一四八	一七九
							四一一二	二六六	三五八
							一三一八七	二一六	三六五
							一四、四七五	四八二	七二三
							二七、六六二		

波 蘭	德 國	俄 國	朝 鮮	統 計
三	一	五四六八	三	五五〇三
八	四	二七三五九	一	二七五三八

又據一九三〇年日本第二回國勢調查。在滿洲里。扎蘭諾爾。海拉爾三處之日本僑民。共計二百二十一人。內男九十六人。女一百二十五人。在滿洲里。扎蘭諾爾。海拉爾。達賚湖之朝鮮人。共計六十五戶。男女一百七十五人。內男八十六人。女八十九人。

督辦呼倫貝爾善後事宜公署之調查。在民國十一年。全人口共計七萬零六百六十八人。中東鐵路局之調查。在民國十六年。全人口數為七萬二千零二十一人。五年中計增一千三百五十三人。

(六)城市

呼倫 在唐為室韋地。遼屬上京路。金屬北京路。明季為索倫達呼爾所居。清初屬呼倫貝爾副都統轄地。光緒三十四年設呼倫直隸廳。民國三年六月正名為縣。九年蒙旗反正。始實行縣制。現為呼倫貝爾政治及經濟之中心。人口共約一萬四千餘。

呼倫一名呼倫貝爾城。以其地介在呼倫貝爾兩湖之間而
得名。位在伊敏河左岸。中東鐵路南。以近海拉爾河故
。又名海拉爾城。

臚濱 一名滿洲里。為中東鐵路西線之終點。地處呼倫
之沙漠部分。宋小濂題滿洲里詩云。羣山鬱蒼莽。沙
草迷天荒。寒日淡迴野。邊風嚴清商。

臚濱在清以前。與呼倫悉同。清初屬呼倫貝爾副都統轄
地。光緒三十四年。置臚濱府。民國三年六月正名為縣。
九年蒙旗反正。始實行縣制。人口約在一萬上下。

以上海拉爾與滿洲里兩地。皆於光緒三十三年（公元一

九〇七年。由吾國自行開放為商埠。

室韋

清以前及清初均與呼倫縣同。光緒三十四年。擬

設直隸廳。旋置吉拉林設治局。九年蒙旗反正。改設縣治。

奇乾

清以前及清初均同呼倫縣。光緒三十四年歸珠爾

干河總卡倫屬。民國初。劃歸黑河道屬。九年蒙旗反正。設奇乾設治局。十一年改設縣治。

按呼倫貝爾以前擬設縣治。除呼倫。臚濱。室韋外。未設者尚有舒都一縣。又民國三年。規劃縣治凡十一。曰奇乾。洪郭。甘珠。臚南。興都。庫博。根河。托河。牛耳。

溫河。伊穆。今祇奇乾設縣。

甘珠廟會場

即壽寧寺道場。一名萬人市。在呼倫城南

三百二十里。為呼倫貝爾之絕大市場。歲以八月為集期。遠近商賈輻輳。列肆陳貨。穹廬遍野。車馬喧闐。頗極一時之盛。內外蒙古及呼倫貝爾境內各旗民之趁墟者。率驅駝馬牛羊為交易品。國稅收入額亦甚鉅。每年此項稅收。約自一萬元至一萬二千元。地方官且親臨監視。以資鎮壓。並調兵保護。以利貿易焉。

(七) 交通

呼倫貝爾僻在荒服。河山阻隔。在昔久困交通。清代駐

防三邊。通道而外。曾有驛台之佈置。清末設中東鐵路。貫穿其境。由滿洲里站起。至興安站止。其中距離達三百七十二公里。此外有各河流為水道之交通。茲以鐵路。水路。昇路交通三者。分別說明如下。

一。鐵路交通

滿洲里站 距哈爾濱九百三十五公里。為中東鐵路之終點車站。與俄國後貝加爾鐵路相銜接。凡取道西比利亞之歐亞旅客。均須在此換車。

扎蘭諾爾站 距滿洲里站二十九公里。與滿洲里往來之交通。除鐵路外。尚通行汽車。

磋崗站

距扎蘭諾爾站三十二公里。車站附近。即為額

爾古訥河流域。

海拉爾站

距滿洲里站一百八十七公里。距哈爾濱站七

百四十八公里。車站四圍。均係高坡。故車必進站後
。方始望見之。過海拉爾站後。鐵路線通過伊敏河橋
。橋長二百二十四公尺。

牙克什站

車站有俄國大村落一處。居民多為俄國後貝

加爾之移民。共約七百人左右。過牙克什站。經扎東
果勒橋後。鐵道線即穿入山陵。

免渡河站

距牙克什站三十二公里。經免渡河站後。鐵

路線復穿行札東果洛河左岸。循烏諾爾河旁而進。

興安站 居興安嶺上茂林深處。為中東鐵路所經過地段最高之處。

二·水路交通

呼倫貝爾之河流。水勢多湍急。不便舟楫。平流之水。復不充足。事實上堪以行舟者。惟額爾古訥河。但不貫穿呼倫貝爾全境。僅由室韋及其支流與石洛喀河一段。長約四百三十六公里而已。

額爾古訥河水。最深處二十尺。最淺處二尺。最寬處三千六百尺。最狹處四百五十尺。自臚濱縣境北起。至庫克

多博卡倫出臘濱縣境。約三百餘里。由室韋縣境西南根河
匯流處。向室韋縣境東北順流至奇乾縣畢拉爾河卡下流。
約四百餘里。再至奇乾縣境西南。室韋縣境東北。流入黑
龍江。約七百餘里。

此外可供放木之河。除額爾古訥河外。有海拉爾河。伊
敏河。及卑斯特那牙河。

三·旱路交通

呼倫貝爾之旱路交通。以海拉爾為起點。在鐵路北者。
為

一、至額爾古訥河一帶之路。

二。至三河一帶之路。

三。至烏爾基赤汗林場之路。

在鐵路南者。為

一。至齊齊哈爾之路。

二。至阿爾善浴場之路。

三。至牙多爾斯喀牙林場之路。

四。經興安嶺至富拉爾基之路。

五。至甘珠寺之路。

六。至桑貝子庫倫之路。

呼倫貝爾之旱路。多係出於天然。並不藉人工而成。僅

蒙人遊牧時加以修墊而已。以土地原質堅厚。不惟駝馬可以通行無礙。即汽車亦可自由往來。現時在呼倫貝爾境內營業之汽車。共約五十餘輛。其由海拉爾站至各處里程日數及車價。列表如下。(註十六)

汽 車 路 線	距離公里數	在途中時間	車 價	
			每 人	貨物每布特
由海拉爾至庫倫	一三五〇	八日	一〇〇元	一六元
由海拉爾至室韋	三五〇	十小時	二〇元	三元
由海拉爾至烏洛夫河口	六〇〇	十八小時	四〇元	三元
由海拉爾至阿爾善鑛泉	三五〇	十小時	二五元	三元
由海拉爾至甘珠爾寺	一八〇	六小時	一五元	二元

(八) 古蹟

索岳爾濟山

遼名七金山。高三百餘丈。週千餘里。為

呼倫貝爾與內蒙東四盟界山。清乾隆間有荒火之變。

林木蕩然。野獸焚死無算。至今巖石焦黑處。猶有燎原遺跡。

兀朮長城

一名金源邊堡。由根河南蜿蜒一線。經滿洲

里驛。北入外蒙車臣汗扎薩固山貝子界。自東而西。

長五百里。今有土壕遺址可尋。高處約三四尺不等。

就地理考之。殆即金初所謂舊設堡障也。

鐵木哥斡赤斤故城

廢址在根河北岸各拉司納牙村西庫

里頁爾山西北三里許。特勒布爾河南岸一里許。為幹赤斤所建。城高二丈。寬八尺。分內外二城。內城周四里。外城周八里。城各四門。外城四角有砲壘遺跡。東門裏有枯井一。深數丈。西門裏宮殿舊址尚依稀可辨。又城東地勢廣闊。一望平坦。度其面積。可容萬幕。相傳為元時兵馬操練場。

木蘭圍場 在索岳爾濟山。周千三百里。西臨大漠。東接西興安嶺。草木叢茂。禽獸繁殖。康熙四十年。幸索岳爾濟山。即以其山作為木蘭圍場。環山設守護圍場四十卡倫。

甘珠寺

一名壽寧寺。又名萬人市。乃新巴爾虎旗。左右兩翼為某所建之福壽道場也。為各旗適中地。每歲集會一次。率以八月朔日為開市期。及期。各商雲集其間。凡蒙旗生活日用物品罔不備。蒙民終歲所需。咸於其時取給焉。半月閉會。閉會時喇嘛來誦經。唵聲與鼓鏡聲相雜。洋洋盈耳。蒙民膜拜瞻禮者。踵接襁連不絕。蓋以之結束熱鬧壇場云。

地穴

車臣汗東界與呼倫貝爾接壤處。有額爾得尼山。山不甚高。下臨克魯倫大河。有巍巍獨尊之勢。元太祖曾起兵於其地。其旁有地穴。深不可測。昔人有以

二十里長繩。繫重鐵探之。終不得其底。穴口旋風。日夜不息。或不及防。竟有被旋入穴者。見龔之鑰「後出塞錄」。

古洞

在巴圖爾和碩卡東北三十里山上。洞口約一丈三尺許。深莫能測。以石投之。旋轉有聲。數刻不息。土人呼之曰古洞。並云每值天陰。有必先降雨之異。時人有擬呼倫貝爾十景者。曰興安積雪。曰額河冰撻。曰雙湖魚躍。曰寒馬鳴秋。曰鹽地堆銀。曰溫泉滌浴。曰壩後賽神。曰河口競渡。曰寺閣晚暉。曰沙阜古松。見「呼倫貝爾志略」。

註一——見「呼倫貝爾志畧」。

註二——見「呼倫貝爾」第一頁。東省鐵路經濟調查局編輯。民國十八年四月出版。

註三——見天津庸報東北特派記者乃一通信。題為「呼倫貝爾之政治組織」。

註四——見許興凱著「日帝國主義與東三省」。

註五——見「呼倫貝爾志畧」頁三十一。

註六——東三省民報郭道甫著「呼倫貝爾問題」。

註七——密勒氏評論報第五十一卷第四期

註八——「呼倫貝爾」頁二。

註九——詳見「呼倫貝爾」頁二十至二十一。

註十——錄自「呼倫貝爾」頁二十三。

註十一——錄自「呼倫貝爾」頁二十四。

註十二——錄自「呼倫貝爾」頁三十一至三十二。

註十三——「呼倫貝爾」頁四十一至四十二。

註十四——「呼倫貝爾」頁四十五至四十六。

註十五——「呼倫貝爾」頁四十九。

註十六——「呼倫貝爾」頁七十。

第二章 呼倫貝爾政治史

(一) 清以前之呼倫貝爾

呼倫貝爾僻在荒服。上古之史不詳。或謂其在三代時為肅慎故地。秦築長城。遂被棄於塞外。時有東胡據其地。後併於匈奴。漢時匈奴擾邊。漢武帝遣衛青出塞。(註一)北征匈奴至臚胸河(即克魯倫河)。是為中國兵力至呼倫貝爾之始。

天漢元年(西元前一〇〇年)。漢遣蘇武使匈奴。黃龍元年(西元前四九年)。匈奴呼韓邪單于來朝。永元三年(西元九一年)。伐匈奴。大破之。清一統志云。當

時匈奴既滅。以呼倫貝爾隸遼東郡西安平地。晉為挹婁國境。亦屬地豆干國地。南北朝北魏宣帝推寅徙居於此。後一再南遷。遂由烏洛侯（註二）代據其地。

隋時突厥強盛。併契丹。拓境日廣。自遼海至西海。自漠北至北海。廣五六千里。分東西兩部。呼倫貝爾則屬於東部。唐滅突厥。置黑水府都督。黑龍江一帶屬黑水部。五代勿吉部內靺鞨種人強大。得扶餘沃沮之地。建國於室韋山。山即在今臚濱縣境內。並以室韋為國號。凡八部。一曰南室韋。呼倫貝爾屬南室韋地。當日室韋國土。殆奄有呼倫貝爾全境。至宋契丹復強。破室韋。室韋之地盡屬

馬。

契丹破室韋時。已建國號曰遼。以呼倫貝爾屬上京道。
金源代興。呼倫貝爾屬上京路地。

元興於朔漠稱帝於斡難河。呼倫貝爾西境額爾得尼托羅
海。(註三)乃其勃興起兵之地。(註四)是呼倫貝爾實當日戎馬

蹂躪之場。郭道甫言(註五)元最初起兵時。呼倫貝爾完全為

韃靼部落之牧場。各部落皆奉一酋長。常與元之先世互為

征戰。如烏爾順河(註六)有塔塔爾部。與元為世仇。元先世

俺巴孩也速該俱為所害。扎木合則與元始合終離。元秘史

。雞兔年合答斤等十一部落。順額湏古湟河(註七)至刊木漣

河。(註八)共立扎木合為古兒合。(註九)古兒合者。皇帝之謂也。郭道甫曰。扎木合與成吉思汗。同為蒙古民族。不過扎木合不肯甘心居下。故號召附和自己的蒙古部落。在呼倫貝爾北部的根河建都。自稱為蒙古總可汗。而與成吉思汗爭霸。結局終為他所敗。

塔塔爾部與扎木合。日後俱滅於元。元既得呼倫貝爾。

復南破兀朮界垣。(註十)西征歐洲。俄羅斯盡為所有。大啟

土宇。分封諸王。以額爾古訥河枯輪淖爾湖(註十一)一帶為烈

祖次子糊只哈兒(註十二)封地。枯輪淖爾兩湖以東暨嫩江東

西。為烈祖四子鐵木哥幹赤斤(註十四)封地。迨世祖都燕京

。置嶺北中書行省。統和林路。制杭愛山以北。呼倫貝爾
遂又改為和林路控制之區。

明太祖起兵。元順帝北徙。止於呼倫貝爾。其孫脫古思
帖木兒繼立。仍駐貝爾湖畔。(註十五)明洪武二十年。(註十六)

遣藍玉率師十五萬。兼程北進。乘夜抵貝爾湖。大破元之
殘軍。脫古思帖木兒以數十騎遁。獲其次子地保奴。永樂

七年(註十七)。元嗣主本雅失里殺明使郭驥。八年。成祖親

征。至臚胸河。更名曰飲馬河。本雅失里西遁。帝乃命劉
才築城於飲馬河上。永樂二十年。韃靼阿魯台犯邊。帝二
次出塞親征至呼倫湖。阿魯台不敵。棄輜重馬畜於湖側。

東走兀良哈。從可知呼倫貝爾乃明代征服之地。惜未置重兵鎮守。故仍為蒙古民族自由遊牧之場耳。宋小濂謂(詳上)明代呼倫貝爾為蒙民遊牧之地。諸王裂土分封。各自為政。故其疆土雖係國家之屏藩。惜國家無統馭之力。其言信不誣也。

(二) 清之經營與俄之侵畧

清初。遊牧呼倫貝爾者。索倫。達呼爾外。尚有四子部落先世之諾延泰。科爾沁部之昆都倫岱青。茂明安部先世之多爾濟弟兄。烏喇特部之布爾海諸部。皆於天聰年間。先后率屬歸清。索倫與達呼爾。則於崇德年間以地歸清。

清太宗致明帝書云。

朕自太祖不祿。繼承大統以來。疆界日廣。計由東北海達於西北海。所有食狗食鹿之民族。捕貂捕魚之獵戶。鄂嫩沿岸之野人。以及元代領土。均已先後歸順。

此為有清撫有呼倫貝爾之實供。顧同時俄人已啓覬覦呼倫貝爾之野心。即在崇德年間。竟乘虛襲據尼布楚。築城以為巢窟。於是東侵雅克薩。南侵額爾古訥河。擾害索倫諸部垂四十年。至康熙二十四五年間。(註十九)用兵雅克薩兩

次。終與俄締結尼布楚條約。(註二十)以額爾古訥河為界。

清政府至是。頗注意呼倫貝爾方面之國防問題。以為經
營呼倫貝爾實刻不容緩。否則。難免受俄人之侵畧矣。雍
正十年。(註二十一)遂於呼倫貝爾設副都統一員。總管五。副
管八。並設佐領以下各官。同時由布特哈移來索倫。達呼
爾。陳巴爾虎各旗兵丁。分界遊牧。以資防守。額魯特兵
丁亦於是年移駐。至雍正十二年。(註二十二)復移駐新巴爾虎
旗。其兵丁人數如下。

索倫

一千六百三十六名

達呼爾

七百三十名

陳巴爾虎

二百七十五名

額魯特 (註二十三)

三百五十九名

新巴爾虎

二千四百八十四名 (註二十四)

先是。清政府於雍正五年。設中俄陸路國界鄂博。在呼

倫貝爾境內者有六。 (註二十五) 同時復在沿俄邊之國界。設卡

倫五十九處。屬於呼倫貝爾者十有二。 (註二十六) 各卡倫皆派

蒙古官兵戍守。光緒十年。於額爾古訥河下游添設五卡倫

。是時呼倫貝爾境內。共有十七卡倫。迨庚子之亂。卡倫

盡毀於俄人之手。 (註二十七) 呼倫貝爾在哥薩克鐵蹄踐踏之下

。計自庚子至丁未。即自一九〇〇年至一九〇七年。有八

年之久。故宋小濂詩。 (註二十八) 有黃中兆禍虜騎猖。八年俯

首飽豺狼之句。

宋小濂詩中又云。毀垣入戶建飛輶。穴山跨江通修轍。即今亂定脫刀匕。電蛇笑看颺輪駛。則言俄國在我東三省境內築中東鐵路。正橫貫呼倫貝爾之中部也。

郭道甫云。自從庚子以後。呼倫貝爾就成了中俄兩國的戰場。好在巴爾虎是遊牧的民族。還沒有受很大的損失。可是龍蛇般的中東鐵路。橫貫了呼倫貝爾的中部。海拉爾滿洲里都開為萬國商埠地。接着扎蘭諾爾的煤礦。吉拉林的金廠。興安嶺的採木公司。呼倫湖的捕魚企業。都由俄國人方面經營起來了。

(註二十九)

吾國之以海拉爾及滿洲里闢為商埠。載入中日東三省條約附款。(註三十)原文云。中國政府允俟日俄兩國軍隊撤退後。從速將海拉爾滿洲里等地自行開埠通商。從此開放門戶。外人得以入堂與經營各種實業矣。

俄兵退出呼倫貝爾。在一九〇七年。即光緒三十三年。

同年。呼倫貝爾副都統蘇那木策麟(字榮軒)。即在呼倫貝爾境內重設十一卡倫。宣統元年。清政府納東三省總督徐世昌議。裁撤副都統。改稱呼倫貝爾兵備道。設贛濱府。呼倫直隸廳。及吉拉林設治局。欲使呼倫貝爾趨於內地化。時呼倫道宋小濂增設卡倫至二十有一。並設總卡官兩

員。邊防藉以稍固。

(三) 第一次獨立與自治經過

一九一一年辛亥革命時。外蒙古乘機宣布獨立。呼倫貝爾蒙旗當即起而響應。向吾國提出要求數款。

一。中國官吏退出呼倫貝爾。將行政權交還蒙旗。

一。中國軍隊即由呼倫貝爾撤回。

一。中國不得再向呼倫貝爾移民。

一。在呼倫貝爾境內之中國人民。如不服從蒙旗官府。即須逐出呼倫貝爾境外。

一。所有關稅及當地一切因自然富源所得之稅捐。應

移交呼倫貝爾蒙旗官府徵收。

同時呼倫貝爾官員共推額魯特總管勝福（字介軒）為首領。積極佈置軍事工作。召集各旗騎兵。於翌年一月二日佔據海拉爾。宣布獨立。恢復滿清時代之副都統衙門。以為呼倫貝爾臨時最高機關。至二月二十二日。續行佔據滿洲里。不逾月。吉拉林亦入其掌握。呼倫貝爾遂與黑龍江省完全脫離關係。接受蒙古國哲布尊丹可汗也之策封。遵奉共戴年號為正統。

『東三省紀畧』紀當時呼倫貝爾獨立事云。前清宣統三年十一月二十七日。江撫電稱呼倫貝爾蒙旗遵照庫倫來文

。宣告獨立。清外部當電令江撫派兵彈壓解散。二十九日

。東督電稱。呼倫貝爾獨立。係俄人接濟槍械。同時復據江撫電稱。據俄領照會呼倫貝爾一案。奉本國政府命令

。中國政府如與蒙古戰爭。俄守中立。東清鐵路界內。不

許華兵與蒙兵衝突。且不許火車運華兵等語。十二月六日

。江撫復電告蒙旗傾心向外。俄人明為干涉。並蒙兵圍攻

臚濱府。火車不肯運華兵。十二月十八日。江撫再電稱俄

兵改裝。助蒙旗合攻臚濱府。勒交槍馬。同日又電告蒙旗

攻臚濱。有俄西伯利亞十五號隊武官帶兵攻擊情事。民國

元年二月二十四日。東督江撫文稱。俄兵助蒙兵攻臚濱。

查有確據。並各國旅居該處人簽有字據。可以明證。三月

七日。江撫咨送俄兵助攻地圖數十帙。十四日。東督江撫文稱。呼倫貝爾變亂。現派員偵查。蒙俄屢有私立合同。租售漁業金廠。又蒙俄佔據吉拉林金廠時。驅逐廠內華人。俄人並教授蒙兵操演。又察罕敖拉煤廠。呼倫湖漁業。均為俄人佔用。觀此足徵呼倫貝爾之第一次獨立。有俄人作背景。並得俄人之援助。而其動機則與外蒙之獨立有關。

民國四年十一月六日。中俄簽訂呼倫貝爾條件八款。其原文如下。

(一) 呼倫貝爾定為一特別區域。直接歸中國中央政府

節制。並受黑龍江省長官監督。遇有必需之事。及便利文牘之往來。則呼倫貝爾官府。可與該省長相商。

(二)呼倫貝爾副都統。由中國大總統以策令任命之。並享有省長之職權。呼倫貝爾總管五員及三等以上職官。始有任命為副都統之資格。

(三)副都統設左右兩廳廳長。一由副都統揀員。一由內務部揀員。均須經中國中央政府任命。此項廳長之任用。應以呼倫貝爾四等以上職官為限。各廳之職掌。由副都統規定之。該廳長應受其節

制。經副都統許可後。始有與中央政府及其他各省直接往來文牘之權。

(四) 平時所有該地軍事。專就本地騎兵執行。但副都統應將軍事籌備情形及其緣由。呈報中央政府。呼倫貝爾官吏。若認地方不靖。無力彈壓之時。中央即可派兵前往。惟先應通知俄國政府。迨地方綏靖後。即行撤出呼倫貝爾境外。

(五) 除海關及鹽政進款。專歸中央收存外。其呼倫貝爾他項各稅捐。儘數留作該地方之用。副都統應將收支情形。年終呈報中央政府。

(六) 呼倫貝爾及中國內地農工商人等。自由往來僑居。均一律看待。不稍歧視。惟呼倫貝爾土地。既認為旗民所共有。則華人僅得以定期租借名義。在各處取得田地。並須稟由地方官查明此項農業。無妨碍旗民牧放牲畜之處。始可辦理。

(七) 將來如擬在呼倫貝爾修築鐵路須借外款時。中國政府應先與俄國政府商辦。

東省鐵路公司及林礦等項實業之俄國承辦人。如欲在呼倫貝爾境內修築專用鐵路。以為運輸材料及出產之用。非經中國中央政府允准。不能修築。

。但非有特別窒碍情形。應即批准。

按照下列第八款所載。俄國人民應修之專用鐵路。已包括於中國中央政府業經允准之合同內者。當然不適用上項所規定之辦法。

(八)俄商與呼倫貝爾前訂各契約。已由中俄派員雙方審查。並經中央允准。

條件中最重要之點。即呼倫貝爾承認中國之宗主權。中國政府承認呼倫貝爾之自治權。未幾。蒙旗內部復發生復辟運動。民國五年。巴布扎布自稱為總管恢復清室全道土兵大臣。惟旋即死於戰陣。由色卜精額與本巴扎布二酋代

統其衆。至民國六年五月。(註三十二)竟一舉而佔領海拉爾。以車和扎為提督。邦恭扎布為幫辦。廢去副都統名稱。時副都統勝福已先期走避卜奎。既而遣其心腹貴福潛返呼倫貝爾。舉兵討伐色本二酋。是年秋。色本兩酋敗績。所部潰不成軍。勝福乃返海拉爾。又恢復往日之局面。此誠不可謂非呼倫貝爾自治時代之一幕趣劇也。

(四)收復呼倫貝爾始末

十月革命後。俄國不遑東顧。呼倫貝爾之外援遂絕。適其副都統勝福病歿。東三省當軸亦正進行收復呼倫貝爾之運動。於是呼倫貝爾蒙旗代表左廳廳長成德。右廳廳長巴

嘎巴迪。署理索倫左翼總管榮安，署理索倫右翼總管凌陞等聯名。於民國九年一月六日。致書東三省巡閱使張作霖及黑龍江督軍孫烈臣。請願轉電中央。取消特別區域。文云。

查呼倫貝爾地方。向屬中國完全領土。隸黑龍江省管轄。自迫於庫倫大勢。不得已而獨立。嗣復改為特別區域。惟至今以來。政治迄未能發達。經全旗總管協領左右兩廳廳長幫辦代表本屬蒙旗全體。誠意會議多次。僉稱取消特別區域。用圖治安。實萬世永賴之利。據情呈請暫護副都統貴福。一致贊同。推派代表等

來省。用特肅具電稿。懇請轉電中央。俯察愚忱。准予取消特別區域。所有呼倫貝爾一切政治。聽候中央政府核定治理。再中華民國四年。中俄會訂呼倫貝爾條件。原為特別區域而設。今既自願取消特別區域權分。則民國四年會訂條件。當然無效。應請中央政府主持作廢。不勝迫切待命之至。除正式請願書另行呈遞外。謹請代轉施行。

因此於同年一月二十八日。由政府命令取消中俄會訂之呼倫貝爾條件。二月。任命鍾毓督辦呼倫貝爾善後事宜。官職等于道尹。第副都統官階仍舊。同時由黑龍江省政府

下令。前設之呼倫廳改為呼倫縣。臚濱府改為臚濱縣。吉
拉林設治局改為室韋縣。三月。任張奎武為呼倫貝爾鎮守
使。丁超為海滿警備總司令。郎官晉為呼倫警察廳長。八
月。設奇乾設治局。十年二月。任程廷恒督辦呼倫貝爾善
後事宜。十一月任張明九為呼倫貝爾鎮守使。十一年四月
。奇乾改縣。十四年。以呼倫貝爾全境劃為呼倫道。屬黑
龍江省。廢善後督辦。置海滿道尹一員。下轄呼倫。臚濱
。室韋。奇乾四縣。呼倫貝爾鎮守使仍舊。

此時副都統衙門職掌之範圍。以蒙旗事務為限。所有蒙
旗人與蒙旗人之訴訟事件。歸副都統衙門管理。（註三十三）訴

訟以外一切政治。則歸吾國地方官辦理。吾國在呼倫貝爾之地方官。有道尹。有縣知事。呼倫貝爾地方之行政組織。殆已完全同於內地矣。

(五) 呼倫貝爾青年黨之出現

呼倫貝爾青年黨之前身。為呼倫貝爾學生會。先是。滿清經營呼倫貝爾。振興教育。除在當地設立學校外。復選送學生赴黑龍江省立師範及中學讀書。此輩學生日後更有負笈遠至北京求學者。民國六年冬。呼倫貝爾之復辟運動初平。一班留外學生陸續返里。欲策劃地方政治之改良。遂聯合組織一呼倫貝爾學生會。討論青年學行方法及地方

政治問題。逾年冬。公派代表參加在上烏金斯克城舉行之布里雅特蒙古民族大會。當時呼倫貝爾學生會之政治意識已異常濃厚。顧以羽毛未豐。不能即時採用革命手段。僅決定以發展教育實業為促進政治改革之方法。數年而後。

至民國十年。外蒙之蘇維埃化。其影響已波及呼倫貝爾。

而呼倫貝爾學生會。為其影響所感動。與外蒙平民革命黨發生政治關係。完全接受其主張與方法。遂易名為呼倫貝

爾青年黨。時約在民國十二年至十三年間。其首領為郭道甫與富明泰兩人。

民國十四年。呼倫貝爾青年黨與內蒙革命份子團結一致。合組內蒙國民黨。不久內蒙國民黨因主張不一致而分裂。

。呼倫貝爾青年黨又還其本身獨立之面目。民國十五年。設中央黨部於庫倫。接受外蒙政府之精神的指導及其物質的援助。自庫倫發號施令。而來呼倫貝爾進行革命工作。處心積慮。夙夜匪懈。識者固早知其必欲一擊而後快也。

(六)第二次獨立運動之失敗

果不其然。於民國十七年夏。呼倫貝爾青年黨揭竿而起矣。於時東北政局似有杌隳不安之象。青年黨乘機在呼倫貝爾南境與外蒙交界之綽哥托松布爾地方。秘密召集該黨代表大會。議決實行武裝革命。恢復呼倫貝爾之完全自治。實行對中國宣布獨立。並決定向海拉爾。興安嶺及滿洲

里三路進攻。七月九日。青年黨幹部九人。潛赴正藍旗保衛團駐紮之杭達蓋地方起事。以富明泰（註三十三）任軍事委員會委員長。組織呼倫貝爾平民軍。以武力從事革命。將正藍旗保衛團編為呼倫貝爾平民軍騎兵第一路第一團。當即佔據阿爾山溫泉。遂以杭達蓋為大本營。實行三路進攻之計劃。七月十五之夜。襲擊中東鐵路。十六日拂曉。武裝之青年黨突如出現於海拉爾東之烏固諾爾車站附近。破壞鐵路線。襲擊中東路列車。形勢岌岌。不可終日。繼之有十七日烏固諾爾站之衝突。十八日察千站之衝突。但未能達到佔領海拉爾。興安嶺及滿洲里之目的。故軍事方面已

處於失敗地位。於是青年黨放棄爭城奪路之計劃。改以收撫正白旗為方針。佔據將軍廟為大本營。是時新巴爾虎右翼。亦已編成平民軍。聲勢浩大。嗣經東三省當軸一面派兵鎮壓。一面實行懷柔。青年黨以武力不敵。知前途不能為有為。加以內部意見龐雜。郭道甫一派以為宜遷就東三省當軸懷柔之好意。趁此時機。偃旗息鼓。富明泰一派則多主革命無間說。以為獨立主張宜堅持到底。甯失敗而不願屈服。雙方各趨極端。致有甘珠廟之衝突。附和富明泰者雖衆。無如大勢上與郭道甫一派有利。副都統衙門亦反對青年黨之獨立運動。結果富明泰一派退回庫倫。養精蓄銳

。作再接再厲之圖。郭道甫則投誠東三省當軸。於十七年九月二十四日。通電表明心跡。取消其獨立主張。蓋當時事實上青年黨已處於進退維谷之境。武裝革命實不可能。隨即解散平民軍恢復七月九日青年黨起事前之和平狀態。呼倫貝爾第二次獨立運動之一幕。於焉告終。雖然。其隱患猶未已也。反對郭道甫之富明泰一派。直接依附外蒙古。間接受第三國際之指導與援助。呼倫貝爾青年黨並未取消。仍在進行呼倫貝爾之獨立運動。故其捲土重來。直吾人意想中之事耳。

(七) 蘇維埃政府之曇花一現

呼倫貝爾爆發第二次獨立運動之翌年。中俄因中東路問題引起糾紛。莫斯科蘇維埃政府竟下令動員。以赤軍犯境。呼倫貝爾遂首當其衝。民國十八年十一月二十五日。因滿洲里扎蘭諾爾既為赤軍所攻陷。我軍知海拉爾不可守。遂自動退出。此為呼倫貝爾政治中心之地。日後呼倫貝爾青年黨。得赤軍槍械子彈之援助。居然在海拉爾組織蘇維埃政府。設委員七人。以富明泰任主席。分政務。外交。軍事。財政四部。然而僅曇花一現。中俄糾紛解決之後。呼倫貝爾之蘇維埃政府。亦即隨之烟消雲散矣。

當時瀋陽東北文化社曾公布此項消息。茲錄其前後所公

布者如下。

十一月二十八日公布——俄派黨徒入內蒙。煽惑蒙古青年黨。使其在內地實行暴動。

十二月一日公布——海拉爾未退出之商民。自行組織保衛團。維持地面。

十二月三日公布——蘇聯煽動內蒙青年。組織騎兵。現已就緒。聞擬向東進發。似將襲取海拉爾。

十二月六日公布——內蒙青年黨為赤軍煽惑。刻在羊場地方集衆兩千。準備擾亂。槍械均由俄方供給。赤軍似將協助內蒙青年黨進擾海拉爾。

十二月十二日公佈——俄軍三百餘十一晨開到海拉爾郊外。內蒙青年黨亦已逼近海拉爾市街。該方面形勢危急。

十二月十四日公佈——現駐海拉爾之內蒙保衛團。由一二野心王公統率。有自由行動之模樣。一方親俄之青年黨。頃已得俄方援助槍械。子彈亦甚充足。擬以武力襲據海拉爾為根據地。自十日始。青年黨已向海拉爾推進。

十二月十六日公佈——赤軍騎兵八百餘名。十四晚開進海拉爾。壓迫蒙古保衛團向後撤退。蒙古青年黨十

五晨四時開進海拉爾。人數有二千餘衆。與俄赤軍完全合作。

十二月十七日公布——保衛團有一部份為赤軍繳械。其大部退向正黃旗。

十二月十八日公布——海拉爾現在蒙古青年黨手中。

十二月十八日公布——莫斯科政府否認蘇聯與蒙古青年黨獨立運動有關。並稱赤軍始終未進海拉爾。該地並無赤軍蹤跡云云。此種反宣傳顯係有意迴避責任。

徒足表示情虛。蒙古青年黨之槍械子彈。均由赤軍接濟。事實具在。豈容掩飾。

十二月二十一日公佈——海拉爾蒙軍內部。因部落不一。時起衝突。蒙古青年黨指揮官。多為赤軍將校。其軍隊持紅旗。鎗上飾紅纓。或懸紅布於胸前。人數約三千。

十二月二十三日公布——莫斯科及遠東俄當軸。對援助蒙古青年黨獨立事。意見分歧。似主張扶助蒙古者佔據優勢。

十二月二十六日公布——海拉爾內蒙青年黨。已成立共產政府。委員七人。首領為阿明泰（註三四）及成德並俄人兩名。

十二月二十八日公布——中東路西綫赤軍。已逐漸向
後撤退由內蒙青年軍接防。海拉爾仍在蘇維埃制之蒙
古政府管理之下。

民國十九年一月十三日公布——在赤俄卵翼下之海拉爾
蒙古青年政府。已自動取消。

一月十七日公布——海拉爾秩序現已恢復。市面由都
統貴福所部保衛團維持。

呼倫貝爾之蘇維埃政府。曇花一現。其受赤軍之卵翼而
而成。已信而有徵。蓋蘇俄之意。在助青年黨奪取呼倫貝
爾政權。造成一呼倫貝爾蘇維埃共和國。與外蒙打成一片

。以完成其赤化弱小民族之陰謀。故匪特供給槍械子彈。且派遣軍官策士前往指導。吾不知呼倫貝爾青年黨。何以甘為蘇俄或第三國際之傀儡。為其玩於鼓掌之上。而不自覺悟耶。

(八) 中俄糾紛期內之赤色恐怖

在中俄糾紛期內。呼倫貝爾之沿邊白俄農村。多被赤軍騷擾不堪。如三河口白俄農村事件。男女婦孺。被赤軍慘殺者達千人之衆。於時上海英文密勒氏評論報紀其事云。三河一地。係以中俄國境瑗瑗河附近之三河合流點作中心。介於海拉爾及牙克石兩站西北方之中國領土。歐戰後。

俄民因不堪受赤黨壓迫。乃於此構成殖民區域。而該項移民。夏則從事農牧。冬則採薪出售於中東路一帶。其人口最近約有一萬五千人。稱為中國領土內白系俄人之極樂天地。詎意一九二九年十月一日。突有攜帶機關槍之蘇俄步騎兵一隊。包圍三河各村。分聚男子十數處。斃之以機關槍。婦女則擄往俄國境內。此役不論婦女老幼。被槍斃刺殺者。約千人之譜。

三河之慘訊傳出後。在北滿之白俄僑民。頓覺兔死狐悲。當即發表一宣言。披露三河口一帶赤色恐怖之事實。以求世界正義之裁判。譯其文於後。

逃避蘇聯壓迫之俄國國民。向散居於三河口一帶距蘇聯疆域極近之中國領土內。受中國方面之保護。其中大多數為農民。毫無革命思想。僅希望自由工作為家族謀幸福而已。乃最近此種和平邊地。竟有武裝赤軍。攜帶機關槍等闖入蹂躪。在特諾哈及那深布拉克三村。對於和平居民。不分男女老幼。大肆屠殺。其殘忍兇暴之手段。為歷史上向來所未有。殺人之夫。戮人之父。竟使其妻若子目覩行刑。雖八旬老翁及八齡幼童。亦皆不能赦免。鞋底槍托。踏擊頭腦。刺刀刺割胸腹。並對於傷而未死之人。先嘲笑辱罵。而後致之於死。婦女則分給官兵。然後擊斃之。或

傷踏其肢體。刀割其胸乳。足踏其面部。五官俱平。受傷之幼童。亦用槍托擊斃之。曾發見兩幼童雙手被捆。頭蓋骨已被擊破。有一童四肢殘廢。又神父郭爾希諾夫。被嚴刑之拷訊後。以髮繫於馬尾曳之。真極人間殘忍慘虐之至矣。

(九)最近呼倫貝爾之政治組織

最近呼倫貝爾之政治組織。可分兩方面說明之。一為吾國行政系統下之縣政府。一為蒙旗之副都統衙門。縣政府以前屬海滿道尹管轄。現因已廢道尹制。改屬於黑龍江省政府民政廳。縣設縣長。主持一縣之行政事務。最近呼倫

貝爾四縣之縣長姓名。錄之於後。(註三十五)

呼倫縣政府 縣長 孫毓峴 俊卿

臚濱縣政府 縣長 齊肇豫 叔謙

室韋縣政府 縣長 郎官普 菊宸

奇乾縣政府 縣長 潘殿保 雲書

呼倫貝爾蒙旗在別一方面有呼倫貝爾副都統公署之設。

俗稱副都統衙門。其下置左右兩廳。各設廳長一人。並有

一文案處。設處長一人。而副都統之下為總管。總管之下

為協領。協領之下為佐領。副都統公署及其所屬之官員如

下表。(註三十六)

副

都

統

貴福

申五

左廳廳長

成德

潤齋

右廳廳長

巴嘎巴爾迪

捷三

索倫左翼總管

榮安

錦堂

索倫右翼總管

安全

陳巴爾虎總管

普恩楚克

額魯特總管

凌陞

雲志

新巴爾虎左翼總管

額爾奇木克圖

新巴爾虎右翼總管

奇普僧額

鄂倫春協領

于多三

今副都統貴福。索倫正黃旗達呼爾人。為前副都統勝福之侄。民國八年十二月。勝福病故。貴福遂代其位。以至於今。

副都統公署內之左廳。原稱左司。掌財政及軍需事項。右廳原稱右司。掌兵事及審判事項。

(十) 最近呼倫貝爾之蒙旗

呼倫貝爾蒙旗之組織。以副都統公署為最高機關。郭道甫稱之曰地方政府。而其組織單位。普通名之曰旗。呼倫貝爾全境現共分十八旗。述之如下。

(一) 索倫部

一·正紅旗

二·正黃旗

三·正白旗

四·廂紅旗

五·廂黃旗

六·廂藍旗

(三) 陳巴爾虎部

一·正藍旗

二·廂白旗

(三) 額魯特部

一· 廂黃旗

(四) 新巴爾虎部

一· 正紅旗

二· 正黃旗

三· 正藍旗

四· 正白旗

五· 廂紅旗

六· 廂黃旗

七· 廂藍旗

八· 廂白旗

(五) 鄂倫春部

一、 廂藍旗

索倫部與新巴爾虎部。皆分左右兩翼。翼各設總管。陳巴爾虎部與額魯特部無左右翼。各部設總管一人。至鄂倫春部。則既不分左右翼。又不設總管。僅設協領轄之。每旗之兵。名曰披甲。披甲中有領催。有前鋒。現錄十八旗之領催前鋒及披甲人數於后。

索倫左翼

領催

二八人

前鋒

二人

披甲

八四人

索倫右翼

領催

四八人

前鋒

四人

披甲

一四四人

新巴爾虎左翼

領催

四八人

前鋒

四人

披甲

一四四人

新巴爾虎右翼

領催

四八人

前鋒

四人

披甲

一四四人

陳巴爾虎

領催

四八人

前鋒

四人

披甲

一四四人

額魯特

領催

八人

前鋒

二人

披甲

二四人

鄂倫春

領催

八人

前鋒

無

披甲

二四人

合計

領催

二三人

前鋒

二〇人

披甲

七〇八人

總數

九六四人

此外副都統公署有衛兵二百名。募旗民充之。故呼倫
貝爾蒙旗此時共有兵一千一百六十四名。



註一——漢時匈奴擾邊。遣衛青出塞迎擊者。非漢和帝而實為漢武帝。時在光武六年。即西曆紀元前一二九一年。『呼倫貝爾』第二章方輿史略作漢和帝。實誤。和帝下註西曆一四〇至一八六年。更不知所據而云然。按和帝在位僅十有七年。即自西元八九年至一〇五年。亦嘗於永元三年（西元九一年）北征匈奴。大破其師。然與衛青出塞為兩事。想『呼倫貝爾』著者為俄國人。故對吾國史事似不甚了了也。

註二——烏洛候。艾儒略地圖謂即俄羅斯。

註三——在車臣汗界東。

註四——見龔之鑰「後出塞錄」。

註五——見「呼倫貝爾問題」。載東三省民報。

註六——一作兀兒失溫。

註七——即額爾古訥河。

註八——即根河。

註九——古兒合一作局兒罕。普通譯作可汗。

註十——見「呼倫貝爾問題」。

註十一——即今中東鐵路成吉思汗車站。

註十二——即呼倫貝爾兩湖。

註十三——糊只哈兒。元秘史作合撒兒。郭道甫作哈薩爾。郭云。曰哈薩兒為成吉思汗的親弟。他的善射。在蒙古巴圖魯中稱為第一。他對於開創蒙古帝國的事業。有很大的功勞。成吉思汗封他的領土。就是現在的呼倫貝爾。

註十四——元秘史作帖木格。

註十五——貝爾湖明史作捕魚兒海。想係音轉之誤。

註十六——即西元一三八七年。

註十七——即西元一四〇九年。

註十八——曰呼倫貝爾邊務調查報告。

註十九——即一六八五至一六八六年。

註二十——時在一六八九年。

註二十一——雍正十年即西元一七三二年。

註二十二——即一七三四年。

註二十三——「呼倫貝爾」作鄂倫春。恐係額魯特之誤。

註二十四——「呼倫貝爾」作二千九百八十四名。

註二十五——詳見附錄二「呼倫貝爾境內中俄陸路國界

鄂博表」。

註二十六——詳見附錄三「呼倫貝爾沿邊國界等倫沿革

表』。

註二十七——參閱附錄三「呼倫貝爾沿邊國界卡倫沿革表」說明。

註二十八——見附錄四宋小濂「呼倫貝爾紀事」。

註二十九——「呼倫貝爾問題」。

註三十——訂於光緒三十一年十一月二十六日。

註三十一——一作民國六年六月。

註三十二——見民國九年九月十六日內務部咨黑龍江省長文。

註三十三——富明泰，一作福明泰，又作教明泰，蓋音

相同也。

註三十四——阿明泰即教明泰，亦即富明泰。

註三十五——錄自「黑龍江全省文官職員錄」，黑龍江省政府編輯，民國十八年八月出版。

註三十六——同右。

